

ԿԱՆՈՆՆԵՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ «ԱՐՏԱՔԻՆ ՏՆՏԵՍԱԿԱՆ
ԳՈՐԾՈՒՆԵՈՒԹՅԱՆ ԱՊՐԱՆՔԱՅԻՆ ԱՆՎԱՆԱՑԱՆԿ» (ԱՏԳ ԱԱ) ԴԱՍԱԿԱՐԳՉԻ 3002
41 000 0, 3004, 3006 30 000 0, 3006 60 000 ԾԱԾԿԱԳՐԵՐԻՆ ԴԱՍՎՈՂ
ԱՊՐԱՆՔՆԵՐԻ՝ ՀԻՄՆԱԿԱՆ ՄՈԴԵԼԻ ՀԱՄԱՁԱՅՆ ԴՐՈՇՄԱՎՈՐՄԱՆ**

1. Սույն կանոններով կարգավորվում են Հայաստանի Հանրապետության հարկային օրենսգրքի 390-րդ հոդվածի 1-ին մասով սահմանված՝ «Արտաքին տնտեսական գործունեության ապրանքային անվանացանկ» (ԱՏԳ ԱԱ) դասակարգչի 3002 41 000 0, 3004, 3006 30 000 0, 3006 60 000 ծածկագրերին դասվող ապրանքների (դեղ, պատվաստանյութ, կոնտրաստային նյութեր)՝ Եվրասիական տնտեսական հանձնաժողովի խորհրդի կողմից 2021 թվականի մարտի 5-ին հաստատված Եվրասիական տնտեսական միությունում նույնականացման միջոցներով ապրանքների դրոշմավորման համակարգի հիմնական տեխնոլոգիական կազմակերպչական մոդելի համաձայն դրոշմավորման հետ կապված հարաբերությունները:

2. Դեղի, պատվաստանյութի, կոնտրաստային նյութերի դրոշմավորման համար օգտագործվում է նույնականացման միջոց՝ նիշերի եզակի հաջորդականություն, որը ներկայացված է մեքենայական ընթերցման համար Data Matrix GS1 ձևաչափով երկչափ շտրիխ կոդի տեսքով և ձևավորված է ISO/IEC 16022:2006 միջազգային ստանդարտի պահանջներին համապատասխան «Տեղեկատվական տեխնոլոգիաներ: Ավտոմատ նույնականացման և տվյալների հավաքագրման տեխնոլոգիաներ: Data Matrix ձևաչափով շտրիխ ծածկագրի սիմվոլիկայի տեխնիկական հատկորոշիչ» կամ դրան նույնական Եվրասիական տնտեսական միության անդամ պետության ազգային ստանդարտի սիմվոլիկայի հստակեցում: Դրոշմավորման ծածկագիրը նույնականացման միջոցի վերափոխելիս պետք է կիրառվի ECC 200-ի սիմվոլիկան՝ օգտագործելով FNC1 նշանը՝ որպես տվյալների համապատասխանության նշան GS1-ի կիրառման նույնացուցիչների (AI) տիպային ձևաչափին:

3. Պատվաստանյութի, դեղի, կոնտրաստային նյութերի սպառողական փաթեթավորման նույնականացման միջոցը ներառում է դրոշմավորման ծածկագիր՝

բաղկացած տվյալների 4 խմբից, որոնցից առաջինն ու երկրորդը ձևավորում են ապրանքի սպառողական փաթեթավորման նույնականացման ծածկագիրը, երրորդ խումբը՝ ստուգման բանալին, իսկ չորրորդ խումբը՝ ստուգման ծածկագիրը: Ընդ որում՝

1) առաջին խումբը բաղկացած է 14 թվանշանից (առևտրային միավորի գլոբալ նույնականացման համարը (GTIN)) և ներառում է ապրանքի ծածկագիրը, որին նախորդում է կիրառման նույնացուցիչը (01), որը գեներացվում է Հայաստանի Հանրապետության կառավարության կողմից լիազորված ազգային օպերատորի (այսուհետ՝ օպերատոր) կողմից՝ հիմնվելով տնտեսվարողի՝ վերը նշված ապրանքի վերաբերյալ տրամադրած տեղեկատվության վրա,

2) երկրորդ խումբը բաղկացած է 13 նիշից (թվեր, լատինատառ այբուբենի մեծատառեր ու փոքրատառեր, ինչպես նաև հատուկ նիշեր (!"%'()*+,-./_::=<>?)) և ներառում է ապրանքի անհատական սերիական համարը, որին նախորդում է կիրառման նույնացուցիչը (21), որը գեներացվում է օպերատորի կամ տնտեսվարողի կողմից (տվյալների այս խմբի եզրափակիչ նիշը հանդիսանում է նիշ-բաժանարարը, որն ունի «29» ծածկագիրը ASCII նիշերի աղյուսակում),

3) երրորդ խումբը բաղկացած է 4 նիշից (թվեր, լատինատառ այբուբենի մեծատառեր ու փոքրատառեր, ինչպես նաև հատուկ նիշեր (!"%'()*+,-./_::=<>?)) և ներառում է ստուգման բանալին, որին նախորդում է կիրառման նույնացուցիչը (91) և որը գեներացվում է օպերատորի կողմից (տվյալների այս խմբի եզրափակիչ նիշը հանդիսանում է նիշ-բաժանարարը, որն ունի «29» ծածկագիրը ASCII նիշերի աղյուսակում),

4) չորրորդ խումբը բաղկացած է 44 նիշից (թվեր, լատինատառ այբուբենի մեծատառեր ու փոքրատառեր, ինչպես նաև հատուկ նիշեր (!"%'()*+,-./_::=<>?)) և ներառում է ստուգման ծածկագիրը, որին նախորդում է կիրառման նույնացուցիչը (92), և որը գեներացվում է օպերատորի կողմից:

4. Կախված յուրաքանչյուր դյույմի վրա տպագրության կետերի քանակից՝ նույնականացման միջոցի չափսը կարող է լինել համաձայն հետևյալ սանդղակի՝

1) 200 կետ յուրաքանչյուր դյույմի վրա – 18.3x18.3 միլիմետր կամ 22.9x22.9 միլիմետր

2) 300 կետ յուրաքանչյուր դյույմի վրա - 15.2x15.2 միլիմետր, 18.3x18.3 միլիմետր, 21.3x21.3 միլիմետր կամ 24.4x24.4 միլիմետր

3) 450 կետ յուրաքանչյուր դյույմի վրա - 14.2x14.2 միլիմետր, 16.3x16.3 միլիմետր, 18.3x18.3 միլիմետր, 20.3x20.3 միլիմետր, 22.4x22.4 միլիմետր, 24.4x24.4 միլիմետր կամ 26.4x26.4 միլիմետր

4) 600 կետ յուրաքանչյուր դյույմի վրա – 12.2x12.2 միլիմետր, 13.7x13.7 միլիմետր, 15.2x15.2 միլիմետր, 16.8x16.8 միլիմետր, 18.3x18.3 միլիմետր, 19.8x19.8 միլիմետր, 21.3x21.3 միլիմետր, 22.9x22.9 միլիմետր, 24.4x24.4 միլիմետր կամ 25.9x25.9 միլիմետր:

5. Նույնականացման միջոցի վրա չպետք է լինի մեկ այլ տեղեկատվություն, որը կխոչընդոտի նույնականացման միջոցի ընթերցմանը: Նույնականացման միջոցը պետք է տեղադրվի այնպես, որ չխախտվի ապրանքի փաթեթավորման վրա տպված տեղեկատվության ամբողջականությունը՝ տեխնիկական կանոնակարգման ոլորտի նորմատիվային փաստաթղթերի պահանջների համաձայն:

6. Նույնականացման միջոցը կիրառվում է սպառողական փաթեթավորման, պիտակի կամ կպչուն պիտակի վրա այնպիսի մեթոդով, որը թույլ չի տալիս նույնականացման միջոցն առանձնացնել փաթեթից: Նույնականացման միջոցը չի կարող կիրառվել սպառողական փաթեթավորման այնպիսի մասերի վրա, որոնք առանց ապրանքը կամ ապրանքի սպառողական տեսքը վնասելու կարող են տարանջատվել: Նույնականացման միջոցը կիրառվում է փաթեթավորման առավել տեսանելի հատվածի վրա:

7. Կիրառման պահանջներն են՝

1) ապրանքի սպառողական փաթեթավորման վրա կիրառելու համար պետք է օգտագործվի տեխնոլոգիա, որն ապահովում է փաթեթավորման վրա կիրառված նույնականացման միջոցների ընթերցումը կիրառելու պահից մինչև ապրանքը սպառողին վաճառելու պահը,

2) չի թույլատրվում ապրանքի փաթեթավորման վրա տպել որևէ տարր, որը կծածկի կամ կդժվարացնի նույնականացման միջոցի ընթերցումը:

8. Ապրանքի փաթեթավորման վրա նույնականացման միջոցները կիրառելու համար օգտագործվում են դրոշմավորման հետևյալ հիմնական մեթոդները՝

1) տպագրական մեթոդ,

2) դրոշմավորման ուղիղ մեթոդ (ներառում է կիրառման տարբեր հնարավորություններ՝ լազերային, թանաքային կիրառում, ջերմային փոխանցում: Ծածկագիրը պետք է կիրառվի դրա համար պատրաստված մակերեսի վրա և ապահովի հակադրության ցանկալի մակարդակը, ծածկագրի շուրջ անհրաժեշտ ազատ գոտին):

3) պիտակավորում:

9. Ապրանքների շրջանառության մասնակիցը դրոշմավորման ծածկագիր ստանալու նպատակով մինչև դրոշմավորման ծածկագիր ստանալու հայտի ներկայացումը էլեկտրոնային եղանակով տեղեկատվություն է ներկայացնում օպերատորին՝ համաձայն

ձևի՝ Եվրասիական տնտեսական հանձնաժողովի խորհրդի 2023 թվականի սեպտեմբերի 27-ի թիվ 108 որոշմամբ հաստատված հավելվածին համապատասխան: Եթե Եվրասիական տնտեսական հանձնաժողովի որոշումներով սահմանված են ԱՏԳ ԱԱ 3002 41 000 0, 3004, 3006 30 000 0, 3006 60 000 դասակարգիչների ծածկագրերին դասվող ապրանքների վերաբերյալ տեղեկատվության կազմին, կառուցվածքին և ձևաչափին ներկայացվող այնպիսի պահանջներ, որոնք տարբերվում են սույն որոշմամբ սահմանված պահանջներին, ապա կիրառվում են Եվրասիական տնտեսական հանձնաժողովի որոշումների պահանջները:

Ձև

Ապրանքների շրջանառության մասնակցի տվյալները

NN	Դաշտի անվանումը	Պարտադիր դաշտը	Նկարագրությունը
1.	Կարճ անվանում	Այո	Կազմակերպության կարճ անվանում
2.	Ամբողջական անվանում	Այո	Կազմակերպության ամբողջական անվանում
3.	Կազմակերպչական իրավական ձև	Այո	
4.	Հարկ վճարողի հաշվառման համարը (ՀՎՀՀ)	Այո	
5.	Իրավաբանական հասցե	Ոչ	
6.	Գործունեության հասցե	Այո	
7.	Կոնտակտային անձ	Այո	
8.	Հանրային ծառայությունների համարանիշ (ՀԾՀ)	Այո	
9.	Էլ. հասցե	Այո	
10.	Հեռախոսահամար	Այո	
12.	Ապրանքախումբ	Այո	
13.	Մասնակցի տեսակ	Այո	
14.	Լիցենզիայի վերաբերյալ տեղեկություններ	Ոչ	

Ապրանքի նկարագրություն

NN	Դաշտի անվանումը	Պարտադիր դաշտը	Նկարագրությունը
1.	Ապրանքախումբ	Այո	
2.	Ապրանքի կատեգորիա	Այո	
3.	ԱՏԳ ԱԱ ծածկագիր	Այո	ԱՏԳ ԱԱ - Արտաքին տնտեսական գործունեության ապրանքային անվանացանկը (ԵԱՏՄ)
4.	GTIN	Այո	GTIN (Global Trade Item Number) - Համաշխարհային առևտրի ապրանքի համարը՝ մշակված GS1 միջազգային կազմակերպության կողմից
5.	Փաթեթավորման տեսակ	Այո	Սպառողական

Սպառողական փաթեթավորման դեպքում

NN	Դաշտի անվանումը	Պարտադիր դաշտը	Մեկնաբանությունը
1.	Միջազգային ոչ արտոնագրված կամ քիմիական անվանում	Այո	
2.	Դեղորայքի առևտրային անվանում	Այո	
3.	Ապրանքի անվանումը	Այո	
4.	Անատոմիական-թերապևտիկ-քիմիական դասակարգում	Ոչ	
5.	Դեզաձև	Այո	
6.	Ապրանքային նշանի անվանումը	Ոչ	

7.	Ծագման երկիր	Այո	
8.	Երկրորդային փաթեթավորման տեսակը	Ոչ	
9.	Առաջնային փաթեթավորման տեսակը	Ոչ	
10.	Երկրորդային (սպառողական) փաթեթավորման մեջ առաջնային փաթեթների քանակը	Ոչ	
11.	Ներարկման եղանակը	Ոչ	
12.	Դեղաքանակ (խտություն)	Այո	
13.	Չափման միավոր	Այո	
14.	Փաթեթում դեղաչափերի ձևերի քանակը	Այո	
15.	Չափման միավոր	Այո	
16.	Ապրանքի բաղադրությունը՝ դրա բաղադրիչների նմուշով (որակական)	Ոչ	
17.	Օգտագործման/կիրառման վերաբերյալ առաջարկություններ	Ոչ	
18.	Պիտանելիության ժամկետ	Ոչ	
19.	Չափման միավոր	Ոչ	
20.	Պահպանման պայմանները	Ոչ	
21.	Լրացուցիչ բնութագրեր	Ոչ	
22.	Գրանցման վկայականի համարը	Այո	
23.	Գրանցման վկայականի տրամադրման ամսաթիվը	Այո	
24.	Անժամկետության նշան	Այո	
25.	Գրանցման վկայականի գործողության ժամկետը	Ոչ	
26.	Գրանցման վկայականի իրավատիրոջ անվանումը	Այո	
27.	Գրանցման վկայականի իրավատիրոջ իրավաբանական հասցեն	Ոչ	

28.	Հավատարմագրված ներկայացուցչություն Հայաստանի Հանրապետությունում	Ոչ	
29.	Հայաստանի Հանրապետությունում ներկայացուցչության իրավաբանական հասցեն	Ոչ	
30.	Արտադրողի անվանում	Այո	
31.	Արտադրող ընկերության պրեֆիքսը	Ոչ	
32.	Ապրանքի պատկերը	Այո	Հնարավոր է ավելացնել լուսանկար քոց ֆորմատով

Ապրանքները շրջանառության մեջ դնելու դեպքում

NN	Դաշտի անվանումը	Պարտադիր դաշտը	Մեկնաբանությունը
1.	Ապրանքախումբ	Այո	
2.	Ապրանքի նույնականացման տեսակը	Այո	
3.	Արտադրության ամսաթիվը	Ոչ	
4.	Պիտանելիության ժամկետը	Ոչ	
5.	Արտադրական սերիայի համարը	Այո	
6.	Ապրանքները շրջանառության մեջ դնելու եղանակը	Այո	
7.	Նույնականացման ծածկագրերի քանակը	Այո	

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ